



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 53. Aliæ S. Leonis Epistolæ.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

ni desiderarunt, atque Episcopi in istis Regionibus consenserunt, quod Tibi ex Actis perspectum fiet. Sæculum V.
A. C. 454.

Cum itaque Anatolius errata reparasset, scripsit ad eum S. Leo. Probata Aetii restitutione, & Andreae Depositione, subjungit: *Si Andreas, & Eufhratas, de quibus mihi relatum, quod Flavianum S. Memoriae insolenter accusaverint, errorem Eutychis æque ac Nestorii, datis litteris, authentice damnent, ipsos Presbyteros ordinabis, postquam ad Archidiaconi Dignitatem virum elegeris, in quem nunquam Hæreticæ pravitatis suspicio ceciderit. Ceteri, ejusdem culpæ rei, restituantur, si eodem modo satisfecerint; ad primas autem Dignitates non alii promovendi, quam exploratæ constantiæ vivi, & ab omni erroris labe semper immunes.* Quod Anatolii cupiditatem inter ceteros Episcopos eminendi tangit, non videtur per ejus epistolam persuasum fuisse SS. Pontifici, mente sincera scripsisse. Hæc epistola 29. Maji anno 454. data. ep. 106. al.
71.

§. LIII.

Alie S. Leonis epistolæ.

Eodem tempore, & super eadem causa ep. 107.

S. Leo ad Imperatorem scripsit. Rogat, ut reprimat temeritatem Carosi Monachi, quem corruptissimum, & oppido stupidum affirmat; is enim, Hæresin spargens,

Hist. Eccles. Tom. VI.

Zz

gens,

Sæculum V.
A.C. 454.

ep. 112. c. 2.

ep. 113. c. 1.

epist. 101. al.

70. c. 2.

gens, contempta Concilii Auctoritate, multos pervertebat. SS. Pontificis preces apud Imperatorem valere; nam Carosum, & Dorotheum, Monasteriis suis abstractos, in ejusmodi locum deferri jussit, ubi nemini nocere possent. Haud diu abhinc S. Leo Imperatorem rogaverat, ut Eutychem in locum exilii, isto remotiorem, migrare juberet, quod ex epistolis Juliani Coani intellexisset, eundem impudentissime in illo, quo erat loco, conari alios seducere, & eo furoris devenisse, ut contra Doctrinam Catholicam phreneticorum more Blasphemias evomeret. Eodem anno Dioscorus Gangræ, quo relegatus fuerat, e vita excessit, quo comperto, S. Leoni spes facta, ut errantes ad saniora facilius redirent.

epist. 3.

ep. 110. al.
72.

Juvenalis Jerosolymitanus, datis ad S. Leonem litteris, certiolem facit, se Sedi suæ fuisse restitutum. *Gaudeo, inquit S. Leo, & ad præterita animum reflectens, sed existimo, te ipsum sinistrae Fortune Fabrum extitisse, tuncque Auctoritatis, ad hæreticos repellendos requisita, jacturam fecisse, quando errorum ipsorum approbare visus es, dum in Conciliabulo Ephesino Flavianum condemnasti, & Eutychem recepisti. Additque: nemo in orbe Terrarum, si in Fide erret, minus excusationis habet, quam illi, qui Jerosolymæ habitant, & quibus lectione opor-*

non est, ut veritatem Evangelii cognoscant, cum suis oculis loca, in quibus completa sunt Mystera, usurpent. Epistolam claudit his verbis, quæ vel sola destruendæ Eutychis Hæresi sufficiunt, *Divinitas in sua Natura pati non potuit, nec Veritas nos decipere, ut nostram Naturam assumpsisse fingeret.* Epistola ista quarta Sept. anno 454. data. S. Leo in una ad Imperatorem Marcianum epistola queritur, quod œconomi Ecclesiæ Constantinopolitanæ Dispensationis suæ rationem coram Judicibus Sæcularibus redderent, quæ res exemplo careret, & consuetudini adversaretur, secundum quam Ecclesiasticorum Proventuum, & Dispensationis tabulæ Episcopis exhibebantur.

Sæculum V.
A.C. 454.

ep. 108. c. 2.

§. LIV.

Leges à Marciano editæ, Ecclesiæ faventes.

Theodosius Anti-Episcopus Jerosolymitanus ad montem Sina confugerat; illis autem Monasteriis, cum essent Colonia, ex Ægypto illuc deductæ, magna cum Ægyptiis necessitudo intercedebat. Hinc Imperator Marcianus Joannem Decurionem in Ægyptum misit cum epistola, ad Monachos hujus Provinciæ directâ, ut doceret, quid hominis esset Theodosius, & quam fœdis flagitiis contaminatus.

ep. Leon. 113

c. 1. Conc.

Calc. p. 3. c. 8.